

Protocol dalla radunonza communal dils 21 da fevrer 2018 allas 20.15 uras en casa da scola a Breil-vitg

Perstgisas: Prisca Sgier, cussegliera
Luzi Pfister, vice president cussegl
Sven Seeli, cusseglier
Placi Schmed, suppleant cussegl

Presenza: 84 personas

Tractandas:

1. Beinvegni ed approbaziun dils protocols dallas radunonzas communalas BVA
2. Preventiv e quen d'investiziun 2018
3. Pei da taglia 2018
4. Revisiun parziala plan da zonas Breil-vitg (Cuort)
5. Varia

Beinvegni ed avertura

Il president communal, Clau Schlosser, fa a tuts presents in cordial beinvegni, in spezial beinvegni fa el als vischins da Vuorz e Andiastr tier l'emprema radunonza communal dalla vischnaunca fusiunada.

Sco emprem resumescha il president sur dil curriu e passau suenter la decisiun dalla fusiun dils 24/25 da zercladur 2018.

Sco dumbravuschs vegnan Ludvig Desax, Dardin e Jolanda Friberg, Danis, nominai ed elegi unanim.

La gliesta da tractandas, ch'ei stada publicada els davos fegls ufficials, vegn suttamessa alla discussiun. Da tala vegn buca fatg diever e per consequenza vegn la gliesta declarada ligionta per la radunonza communal da questa sera.

1. Approbaziun dils protocols dallas radunonzas communalas BVA

Ils protocols ein stai exponi sin canzlia communal sco era sin la pagina d'internet dalla vischnaunca. Dalla discussiun vegn fatg negin diever. Ils protocols dallas davosa radunonzas communalas Breil, Vuorz e Andiastr vegnan per consequenza approbai entras tscherna unanima.

2. Preventiv e quen d'investiziun 2018

Il preventiv siara suenter expensas da frs. 11'817'300 ed entradas da frs. 16'458'500 cun in surpli entradas ell'altezia da frs. 4'641'250. Quei gudogn ei da declarar cun la contribuziun da fusiun da frs. 4'050'000.00. Senza quella contribuziun fuss il gudogn frs. 591'250. Quei preventiv ei vegnius fatgs suenter il niev model da quen MAC2, ed aschia sa quei preventiv buca vegnir cumparegliaus cun quels dils davos onns. Il quen d'investiziun preveda expensas da frs. 4'185'000 ed entradas da frs. 1'362'500. Las investiziuns netto muntan per consequenza a frs. 2'822'500.

Il president communal resumescha il preventiv dil quen current sco era il quen d'investiziun e dat sclariments necessaris tier diversas posiziuns. Allas damondas tschentadas vegn dau risposta. Ils presents approbeschan il preventiv sco era il quen d'investiziun 2018 cun tscharna unanima e senza resalvas.

3. Pei da taglia 2018

Mintg'onn han il cussegl da vischnaunca e la radunonza communal la pusseivladad da fixar il pei da taglia. Cun la fusiun ei il pei da taglia dalla vischnaunca da Breil vegnius fixaus sin 100% dalla taglia cantunala. La taglia sin schischom sto tenor lescha da taglia vegnir fixada mintg'onn da niev. Quella taglia importa denter 1.5 entochen 2.0 promils. Il cussegl sco era la suprastanza communal fan la proposta da restar sco tochen dacheu sin 1.7 ‰ promils.

La damonda vegn suttamessa alla discussiun. Da tala vegn buca fatg diever. Cun tscharna unanima decida la radunonza communal da fixar il pei da taglia ordinari sin 100% dalla taglia cantunala sempla ed il pei dalla taglia sin schischom sin 1.7‰.

4. Revisiun parziala plan da zonas Breil-vitg (Cuort)

El feagl ufficial dalla Surselva sco era en quel dil cantun ha giu liug la publicaziun publica dalla revisiun parziala dil plan da zonas Breil-vitg (Cuort). En in rapport accumpignont dalla planisadra Madeleine Grob ei informau detaglidamein tgei che vegn revediu e daco quella revisiun parziala sto vegnir fatga. Pius Monn, responsabel per igl uffeci da baghegiar dat aunc entgins sclariments en detagl sur da quella revisiun parziala.

La damonda vegn suttamessa alla discussiun. Martin Beer fa differentas renfatschas alla suprastanza cun in referat da varga 20 minutas. Sias renfatschas havevan da far nuot cun la tractanda. Suenter quei referat dat il president sclariment. Ei vegn buca fatg diever dalla discussiun. Cun 55 gie, negnis na e 9 abstenziuns vegn la revisiun parziala dil plan da zonas Breil-vitg approvada sco la suprastanza ed il cussegl da vischnaunca han proponiu.

5. Varia

Clau Schlosser informescha la radunonza sur dil suandont:

- Ina scola da recruta vegn a Breil denter ils 23 d'avrel entochen ils 18 d'october 2018
- La scola da polizia dalla svizzera orientala vegn puspei si Breil e quei denter ils 9 d'avrel entochen ils 20 d'avrel 2018
- Il 25 avel tir cantunal ha liug denter ils 15 da zercladur ed igl 1 da fenadur 2018 duront treis fins d'jamnas en la Surselva. Il stan principal ei il stan da tir Pardiala.

Clau Schlosser engrazia per la presenza, la participaziun e la confidanza. El siara la radunonza allas 21:50 uras e giavischa in bien retuorn a casa.

Breil, 22 da fevrer 2018

Il president
Clau Schlosser

Igl actuar
Curdin Cadonau